



25.00

H




11859544



~~Este libro es de Don Juan Dávalos~~  
~~X Toledo~~

R.8904

B.8  
113




Ex aeneo. P. Antonii u. soto.

1880

S I X T O V. P. M.  
SANCTISS. TOTIVS  
CHRISTIANI GREGIS  
P A S T O R I.

IO. FRANCISCVS BORDINVS  
F E L I C I T A T E M.



ERVM à te gloriose gestarum tan-  
tus est splendor tanta magnitudo  
B E A T I S S I M E S I X T E , vt  
& earum fama ad exteris quasq;  
barbarasque nationes , summa cū  
tui admiratione peruenierit ; & in  
illis extollendis præclara quoque huius tempestatis in-  
genia desudauerint . Quorum de tuis laudibus monimē-  
tatum carmine , tum soluta oratione conscripta , partim  
iam in lucem edita sunt , partim in dies edenda expe-  
ctantur . In his ego tamquam anser inter olores obstre-  
pere aliquando tentaui , tanto que tuarum laudum ru-  
more veluti è somno experrectus , ad obsoletæ poësis flu-  
dum , iam pridem resides animos desuetaque corda re-  
nuocaui . Id verò non vt aliquam ex ea re mibi laude  
compararem , sed vt meæ in te obseruantia & signum ali-  
quod vel exiguum demonstrarem . Nec erat animus ,

ut quæ mihi ipsi luce indigna videbantur, lucem adspicerent, & in manus hominum deuenirent. Verum cum illis S.T. quæ eius est humanitas, non parum delestatam fuisse sentiam, tuoque iusso, & à Petro Bargao viro omni litterarum genere ornatissimo, & à Petro Galefinio Protonotario Apostolico, tuæque Sanctitati ob insignem doctrinæ & eloquentiæ laudem carissimo, & à Hieronymo Badesio iuuene eruditissimo auunculoque Siluio Antoniano minimè indigno, inter cætera præstantissimorum virorum carmina inserta typisque excusa prodijisse: rem tibi non ingratam facturum me existimai, si quos sparsim & in singula quæque facinora à te non minus celeriter, quam magnificenter, sime perpetrata, modo plures, modo pauciores versus transmisi, in unum congesitos libellum, & eiusq. iconibus exornatos ante tuos beatissimos pedes offerrem, obsequij in te mei monumentum, pignusque perenne. Neque vero angor, si quis me assentationis fortasse insimulandum putauerit, quasi leuissimis nanis gratiam tuam intre atque aucupari voluerim. Ego enim, conscientia teste, dum te laudo, non te, sed illum in te laudo, cuius in terra vices geris, cuius munere præclaris istis animi dotibus ornatus es, cui us duci maxima quæquemente agitare, opereque completere non dubitas, Iesum Christum summum Deum summique Dei filium, quem laudant angeli & iustorum spiritus, qui maiorest omni laude, quique laudatoribus suis sempiterna præmia benignè largitur. Nibilo autem magis illorū obiurgationes pertimesco, qui dicturi fortassis sunt, hominem Sacerdotem,

serijs

serijs tum rebus tum litteris dies noctesque occupatum, etas iam graui, leuibus carminum scriptitatiunculis operam diesque insumere minime decuisse. Nam ego me neque sanctiorem facio, Ambrosio, Nazianzeno, Cypriano, Paulino Nolano, Damaso, Venatio, & Prospero, neq; grauiorem Prudentio, Laetatio, Arato, Sedulio, Iuuenco, Victorino ceterisque priscorum seculorum viris illustrissimis, quos neque puduit, neque piguit, carminibus aliquando animum oblectare; & diuina mysteria carmine decantata populis exhibere. Ut omittam Regem eundemque Prophetam Dauidem, quem & si assiduis bellorum tumultibus vexatum, grauissimaque regni gubernatione impeditum, numquam tamen à diuinis laudibus carmine concinendis, & diu noctuque Altissimo, Maximoque Deo, in Cythara, & psalterio, & voce tubæ corneæ psalmorum penso persoluendo, cessasse meminimus. Eius exēpla proponens Sancta mater Ecclesia, quæ nunc te capite ac rectore gloriatur, septenas horas, quas Canonicas dicimus, Dauidico carmine hodieque decantat. Quin ut carminum usum, non solum non improbet, sed commendet etiam vehementer; hymnos partim ab Ambrosio sanctissimo Mediolani episcopo, (cuius opera in meliore speciem, dilucidiorumque ordinem, te auctore dum adhuc Cardinalem ageres, redacta, non sine rotius Christiani orbis ingenti utilitate leguntur,) partim ab Aurelio Prudentio, Hilario, Gregorio Magno, Sedulio alijsque lectissimis viris decerpta, pro dierum atque festorum opportunitate canenda proposuit. Ut inde piorum animi non tantum cantionis

suauis

suauitate demulcerentur, atque ad diuinarum rerum  
gustum saporemq. allicerentur: sed & vitiorum fugā,  
virtutumque desiderium, veluti melle delibuto quodā,  
epoto medicamento, perdisceat. Me verò, Pater bea-  
tissime, adeò huius errati minime pænitet, ut frequen-  
tius, diligentiusque carminibus conscribendis insudare  
posthac in animum induxerim, quoties à grauioribus  
negocijs studijsque vacare contigerit. Quo factum est ut  
exiguo huic operi libri primi titulum præfigere decreue-  
rim, cui & secundus & tertius, & quotquot visi fue-  
rint, subiecti possint. Quemadmodum enim neque tu à  
similibus maioribusq; operibus patrandis vnquam de-  
sistes: quippe qui maiora in dies animo voluas, nihilq;  
eorum praetermittas, quæ & ad Romanam Vrbem in  
Pristinam dignitatem vindicandam, & ad depraua-  
tos hominum mores corrigendos, & ad perpetuam  
tranquillitatem, salutem, ac securitatem gregi tuo pa-  
randam, tuendamque facere posse videantur: ita neque  
me, neque præstantissimos quoque tum ingenio tū elo-  
quentia viros, à tuis laudibus celebrandis vnquam ces-  
saturos esse confido. Evidem, quod ad me attinet, cum  
inter cæteras innumerabiles animi tui virtutes, reli-  
gionem in primis, singularemque in Deum pietatem so-  
leam demirari; in ea potissimum extollenda, futurorum  
que seculorum memorie cōmendanda semper versabor.  
Tu interea, pater sanctissime, hoc qualemunque munu-  
sculum serui tui hilari fronte, gratoque animo suscipe-  
rene designator: in quo, quasi in speculo, re ipsum pos-  
sis intueri, & qui iam multos retro Pontifices, pietate,

iustitia,

iustitia, animique magnitudine superasti; nunc hoc tui  
ipsius obtutu, ad te ipsum egregijs operibus superandum  
inflammeris atque prouoceris. Me verò tu & benedictio-  
nis optatissimo munere impertitum ut velis flexis geni-  
bus oro atque obsecrò. Deus te Ecclesiæ suæ incolumem  
diutissime seruet. Pater optime atque Beatissime.

*AVCTOR AD LIBRVM.*

*Obtrectatores verbo hoc compesce, libelle;  
Dic, versus Sixtos si placuere, sat est.*



AD SIXTVM V. PONT. MAX.<sup>3</sup>  
MAGNA PRAESTANTEM,  
MAIORA MOLIENTEM.

IO. FRANCISCI BORDINI I. C.  
ET PRESB. R. O. M.

CARMEN ELEGIA CVM.

AGNA facis, maiora dies moliris in  
omneis.

**M**Det tantum Christus tempora longa  
tibi.

Te duce Iustitiae rursus iubare micat orbi,  
Et reduces adsanct copia, pax, pietas.

Te duce parva quies populis, pulcherrima rerum  
Læta dari sibi nunc secula Roma videt.

Efferat prædonum rabies compressa quiescit,  
Et iam tutus iter carpere quisque potest.

Et, qui vana diu vanis prædixit aruspex,  
Quod sibi non vidit, pellitur vrbe, miser.

Iustitia abu-  
dantia pax re-  
ligio.

Quies.

Larrones cō-  
pressū.

Aruspices fa-  
gati.

## 4 D E R E B. G E S T I §

Adulteris pœna imposita. Iam frænis legum turpis religatur adulter,  
Nec castos audet commaculare thoros.

Aqua felices in Quirinali. Et gelidæ, longo quæ ducta est tramite, lymphæ  
Alta Quirinalis perfluit vnda iuga.

Temporum annua visita. Diuorum, deserta diu, delubra frequentes  
Cum patribus populi, te duce, Sixte, petunt.

Vix aperte frataque. Hinc, atque hinc patefacta iacent strata ampla viarum,  
Qua sacras possit quisquis adire domos.

Obeliscus Vaticanus. Ipse Crucis magnos referens obeliscus honores,  
Exceltas Petri sistitur ante fores.

Obeliscus Lateranensis. Audijt hoc, mersus quamuis tellure sub alta,  
Alter, & excelsum tollit ad astra caput.

Audijt, & se se quærentibus obuius vltro  
Fert citus, & pondus gestit obire Crucis.

Palatium Lateranense cū porticu. Hic vbi porticibus surgit Laterana superbis  
Magna domus niueo marmore fultanitens.

Sacellum Exequilij. Quid quod in Exquilijs tua nunc præsepia, Christe,  
Præclaro tectum fornice cingit opus?

Vaticanae testudinis abfoluēdx spes certa. Sic Petri curua claudi testudine templum  
Sperant mox populi, quod cupiere diu.

## A SIXTO V. P. M.

Ettotum immensi pondus quæ sustinet orbis  
Stat septemdenis Ianua Cardinibus.

Nam septemdenis patribus constare senatum  
Vis, quos & totidem templ a fouere iubes.  
Virtuti sic digna datur, te principe, merces,  
Sic meritas pœnas impia facta luunt.

Cætera quid memorem? siluae hæc montesq; loquuntur.  
Et Tagus, & Ganges, Oceanusque pater.  
Sed quid non facies, quid non sperare licebit,  
Si dederit Christus tempora longa tibi?  
Grandia venturos quæ non præstabis in annos,  
Tot si tam paruo tempore mira geris?

Gens effræna tibi septem subiecta trioni  
Seruiet, atque Indus, Niliacusque sinus.

Seruiet armipotens Anglus, gens dura Lemanni,  
Bosphoridæ Thraces, indomitique Getæ.

Barbaraque insuetum discent infrendere nomen  
Ora Dei, & dulci flectere colla Crucis.

Numina tunc Christi venerabitur vltima Thule,  
Inque vnum cuges pastor ouile pecus.

Magna

Cardinalium septuaginta numerus & tali tuli totidem.

Mundi conuersio.

Hæreticorum & infidelium redditus ad Ecclesiæ gremiū

Vnum ouile & unus pastor

6 D E R E B. G E S T I S

Magna; sed hæc alij sublimi carmine, vates

Dicent, & grandis grandia facta chelys.

Nostra inter vitreos fonteis, per gramina læta

Cantabit raucis fistula rauca modis.

Non quos ingenteis referes ex hoste triumphos,

Non, quæ deuictis iura dabis populis:

Non, vt pugnaceis Parthos, Turcas ue feroceis

Amne salutari proluet ista manus.

<sup>Templa septem</sup> Rustica sed tenui dulceis mea tibia amores

Tentabit versu dicere Sixte tuos.

S. Mariæ ad  
Præsepe. Vt pius, vtque frequens vel nunc nascentis Iesu,

S. Crucis. Vel Crucis inuictæ, Partheniam ve domum.

S. Mariæ de  
Populo  
S. Petri.  
S. Pauli.  
S. Io. Latera-  
menfis.

Vel Vaticanam, aut quæ respicit ostia Tybris,

Pauli ædem visas, aut Laterana petas.

S. Laurentij. Vel magni vt perga hilaris Laurentis ad aram,

Vt lachrymis madeas dum pia sacra facis.

Vt tua semper eat circum præcordia Christus:

Vt mentem moneat, vt tua cœpta regat.

Vt mortale nihil voluas, sed ad æthera semper

Erigere vt cures, teque tuumque gregem.

Viuidaque

A SIXTO V. P. M.

7

Viuidaque vt teneras exurat flamma medullas,

Ferueat atque imo pectori dulcis amor.

Hæc ego dulcisono modulabor carmina plectro

Det tantum Christus tempora longa tibi.



SIXTI PASTORIS  
EXCVBIAE AD CHRISTI  
INFANTIS CVNABVLÄ.

Dspicis vt lætus cunabula dulcis IESV  
Sixtus obit, senio nec timet ille suo?  
Horrida non glacies, nō inclemētia cœli.  
Terret sanctū adeò pectus adurit amor.

Frigida sed canis spargit dum bruma pruinis  
Terras, nox medium dum tenet vda polum  
Tunc vigilat pastor, tunc aurea tecta relinquens  
Se se ad nascentis fert penetrale Dei.  
Est locus, Exquiliias prisci dixere Quirites,  
Irriguis quondam collis amœnus aquis.  
Nunc æde insignis Christi quæ sacra parenti  
Æstiua veniens à niue nomen habet  
Ipsius hic veneranda Dei præsepio Christi  
Summa Romulidæ relligione colunt.

B Hic



Hic olim Sixtus nondum ad sceptr'a alta vocatus

Egregium altaris condere cœpit opus.

Quod nunc ex celso conclusum fornice longe

Despectat turreis Roma superba tuas.

Virginei hic partus monumentum illustre reponit

Nocturnum tuguri pauperis hospitium :

Quod circum insontes pueri, Sic anaque virgo

Ludentes adstant, Illyricusque senex.

Huc igitur gressus grandæuus dirigit heros

Post quem consequitur sedula turba patrum.

Concurrunt proceres, pergunt iuuenesque senesque

Permistum vulgus, foemina virque simul.

Post vbi deuentum est ad limina magna facelli,

Atque aram Christus qua cubat in media;

Continuò excubias alternis vocibus implent

Hinc hominum coetus, ætherei inde chori.

En Christus natus nunc Gens hunc omnis adoret,

Conclamant pariter, Gloria summa Deo.

En iacet in fœno, pugno qui continet orbem,

Pascitur en pastor lacte per exiguo .

Virginis

Virginis vberibus destillant pocula cœli;

Filius atque hominis fit pater ipse hominum.

Sic canitur: resonant vasti penetralia templi,

Et lacrymas cunctis mystica sacra crient.

Ast multo ante alios afflatus numine Sixtus

Adstat non oculos non mouet ille manus.

Sed stupet, & rerum quæ sint arcana reuolut;

Et tacita secum talia mente refert.

Quam bene in Exquilijs celebrantur sacra tonanti,

Romanasque arceis paruula cuna domat.

Quam decet, excubias vbi Rex Romanus agebat,

Romani excubias pastor ouilis agat?

Quare agite ò cœli, terris demittite rorem,

Et pluuiam optatam mittite, tempus adest.

Quæ longum tandem sitientia temperet arua,

Irriget & nascens arida corda puer.

Sic ait: inde oculos sacra in præsepio figens

Algentem rigida conspicit in stipula:

Et videt, vt lentus bos hinc, hinc tardus asellus

Ore fouent tepido membra tenella Dei.

Stat genitrix impexa comas, roseoque refulgens

Vertice, nunc lacrymis ora sinusque rigat.

Et nunc prona suum lātissima pignus adorat,

Nunc illud castis admouet vberibus.

Nec minus & superis carum caput adstat Ioseph,

Sedulus & cōelo credita dona fouet.

Ioseph qui solus secreti conscius alti

Nascentis pueri gaudia prima tulit :

Post hæc admirans venientum culmine ab alto

Pastorum cōetus cernit adesse pios.

Quorum aliis teneris frons est redimita corymbis,

Astalij puero rustica dona ferunt.

Baccas, atque rosas, violas, suaueisque hyacinthos;

Quos illa insueto tempore fudit hyems.

Hinc alij Cererem expediunt atque oua canistris,

Effundunt alij dulcia vinacadis.

Hic hœdum, ille agnum portat, siluestria promit

Pomahic, ille oleas, castaneasque nuceis.

Roscida mella, nouique tepentia munera lactis

Dant alij, atque hilares floridas ferta alij.

Parte alia calamos inflant, & carmina dicunt,

Nascentem resonant plectra canora Deum.

Auia responsant nemorum, saltusque ferarum,

Et dumeta canunt & caua saxa Deum

Ipsæ inter densa corylos virgultaque pictæ

Carmine certantes adglomerant aues.

Intonsi plaudunt montes ramosque virenteis

Expandunt alacres, pomaque sponte ferunt.

Mitescunt tigres, nec lœdunt vnguis vrsi

Informes quemquam, setigeri uesues.

Non ultra magnos metuunt armenta leones,

Non ultra insequitur torualeæna lupum.

Quin lupus ipse vorax agnos innoxius inter

Iam manet, & iuncti bosque leoque cubant.

Panditur interea cœlum, iamque omnis ab alto

Cælicolum terras turba beata petit.

Et geminant voces, & mulcent æthera cantu

Dulcisono, & spargunt lilia mista rosis.

Ecce autem celeri missus secat aëra cursu

Aliger, & medijs visus adesse sacris.

Atque adiens Sixtum æterni mandata parentis

Explicat, & cunas ire iubet propius.

I, Pastor dicens prima hæc pastoribus olim  
Gaudia, pastori gaudia prima tibi.

I, Felix, iam pone metum, tu a gaudia virgo  
Augeat, & dulcis mellifluusque puer.

Rumpe moras, exesa citus te confer ad antra,  
Non fuerint paruæ præmia parua viæ.

Dixit, & in media volitans se nocte recondit,  
Optatum aggreditur carpere Sixtus iter.

Vt venit, puerum vt vidit, matremque senemque,  
Et quæ illum agresti stramine bruta fouent.

Obstupuit, totos horror tremefecerat artus,  
Pertentat tacitum pectus amantis amor.

Hinc dulceis lacrymas, crebra hinc suspiria fundit,  
Et dulcem puerum vox geminata vocat.

Excipit illum vlnis atque oscula millia figit  
Atque iterum, atque iterum, nec saturatur amor.

Adspirat cœptis infans, tenerosque lacertos  
Circum colla senis nectere latus auet.

Ceu

Ceu quondam Solymis aurata in ueste sacerdos

Promissi certus templaque adit.

Iam senior mortem sed non visura senectus  
Ni detur rectum carne videre Deum.

Quemque vbi conspexit tetigitque, ad sydera palmas  
Tendens sic fatus: iam mihi visa salus.

Iam populos sœua video ditione tyranni  
Ereptos moriar, iam mihi visa salus.

Iam latus moriar, tu me dimitte precantem  
Summe Deus moriar, iam mihi visa salus.

Haud aliter Sixtus longo venerabilis æuo,  
Candida dum puerit tangere membralicet,

Exclamat lacrymans, & cum data copia fandi  
Ridentem infantem talibus alloquitur.

Parue puer sed magne Deus, cui pontus & æther  
Paret, & exelsi lumina magna globi.

O cordis spes sola mei regnator Olympi,  
Æterno mundum qui regis imperio.

Quis te pauperiem, frigus, mala que omnia ferre  
Compulit ò summi cara Dei soboles?

Sat

Sat scio solus amor docuit contemnere cœli

Sydereas sedes, & mala tanta pati.

Vicit iter durum pietas generisque cadentis

Humani, quem olim culpa momordit atrox.

Immanem tu hostem terraque Ereboque potentem

Deuicturus ades Tartareaisque domos.

Iam te Cocytus, Phlegethon, & pallida Ditis

Regna tremunt, & Styx, Eumenidumque furor.

Perte certa salus miseris, per te ardua cœli

Iam conclusa diu porta reclusa patet.

Infesta en iam bell silent, pax aurea mundo

Redditur, & pietas spesque fidesque & amor.

Et quæ iam dudum nostris fuit exul ab oris

Lætitia accedit concomitata iocis.

Ergo ad sis bonus ò nobis plebemque patresque

Respice parue puer, respice magne Deus.

Et mihi quem pecori longe lateque per orbem

Immensum sparso præficiis immeritum:

Da partos seruare greges tuque adjice caulis

Quos asper ue lupus, vel malus anguis habet.

Nil mortale peto, tantum tua numina Mauri

Agnoscant, Indi, Thraces, & Antipodæ.

Sic rogat, oranti subridens annuit ingens


Pusio, nec cessat basia casta dare.

Et molli amplexu gestit concessa petenti

Vota seni, & blanda significare manu.

Tum numen Sixtus rursus veneratus amicum;

Ad sua mox rediens sacra diurna parat.



A  
ECCE CRVX DNI  
FVGITE  
PARTES ADVERSÆ  
VICIT LEO  
DE TRIBV IVDA.

B  
CHRISTVS VINCIT.  
CHRISTVS REGNAT.  
CHRISTVS IMPERAT.  
CHRISTVS AB OMNI  
MALO PLEBEM SVAM  
DEFENDAT.

C  
SIXTVS V PON MAX  
CRVCI INVICTAE  
OBELISCVM VATICANV  
AB IMPVRA SUPERSTITIONE  
EXPIATVM IVSTIVS ET  
FELICIVS CONSECRAVIT  
ANNO M.D.I XXXVI  
PONT. II.

D  
Sixtvus V. Pont. Max.  
OBELISCVM VATICANVM  
DIS GENTIVM IMPIO  
CVLTIV DICATVM AD  
APIOR. LIMINA OPEROSO LA  
BORE TRASTYLIT ANN. 1586  
PON. II.

## IN OBELISCVM VATICANVM.



### EPIGRAMMA.

Lta Syenitx tibi , crux, iam culmina Saxi :  
Cedunt, & Solis vana supersticio.  


Cæsareumq. procul nomē, numēq. faceſſunt,

Te ſolam lātus nunc Obeliscus amat.

Quin & ſublimeis monteis, fulgentiaque aſtra;

Exuperas viētrix, ſub pedibusque tenes.

Sponte ſua fului ſubmittunt dora leones,

Sic monteis ſubigis, ſydera, ſaxa, feras.

Scilicet, vt, quæ olim exitium probrumque parabas,

Nunc eadem cunctis vita decusque fores.

Preficit hæc Felix diuino munere Sixtus,

Cui lunum hoc ſtudium ſubdere cuncta Cruci.

C ALIVD

20 DE R E B . G E S T I S  
A L I V D .

Vt primum august a consistere sede Obeliscus

Se vidit, lætos hos dedit ore sonos.

Quem modo sublimi pertingere vertice cœlum

Cernitis, & dulcis pondera ferre Crucis.

Ægypti quondam vasta Rex rupe Sesostris.


Excisum Phœbo iussérat esse sacrum.

Barbara relligio, decorisque ignara futuri

Prædixit nolens tunc mea fata mihi.

Iustitiæ soli, iusto quod principe, iustis

Auspicijs olim rite dicandus eram.



# OBE LISCVS EX QVILINVS DE SE IPSO.



Qui fueram cinerum custos tristisque Sepulchri,

Cunarum excubitor, nunc obeliscus ero.

Intulit Augustus mortem mihi, mortuus, ast nunc

Nascentis Christi munere vita reddit.

Sic reduces Astrææ, & religionis honores

Exultans, Sixto Principe, Roma videt.

## A L I V D.

Monte alto excisus Montem altum vertice gesto

Monte Alto sistor Montis & alta peto.

Syderibusque facer, Sydus quoque culmine porto.

Aurea Crux montes, fulgidaque astra facit.

Vnica lux est Crux, altis qua cernere lucem

Montibus & Cælo syderibusque datur.

Ergo Altus mons, montes ornat dum Cruce Sixtus

Et mundo lucem syderibusque refert.





25

IN COLVMNAM COCHLIDEM  
T R A I A N A M.

Disticon ex Isa. cap. 27.

Pauperis excelsas gressus calcare columnas  
Cernis Roma tuas? Iam domina orbis eris.

IN AEREAM EFFIGIEM  
D. PETRI TRAIANI COLVMNAE  
SIXTI V. PONT. MAX.  
IVSSV IMPOSITAM.

Aspice pro vanis veros, Romane, triumphos,  
Tuque triumphantem suscipe, Roma, ducem.  
En qui Romanas venit piscator ad oras,  
Quique crucis probrum suppliciumque tulit.  
Is nunc sublimeis superat Galileius arceis,  
Cæsarisis pedibus nunc monumenta terit.  
Stipite nam lætus verso dum vertice pendet,  
Hac inquit nobis est iter ad superos.  
Nunc superis iunctus superas superare columnas  
Incipit, & nudo subdere regna pe de.

D Quod

Quod genus hoc belli , quæue hæc noua pompa triūphi?  
 Imperat Occisus sanguine regna capit.  
 Sic vincit,sic exercet sua prælia Christus,  
 Exitio vitam,regna cruore parat.

## A L I V D .


Viderat infandis vrbem Sixtus monumentis,  
 Omatam vanos vsque referre Deos.  
 Hinc obelos , atque hinc cochlides iactare columnas  
 Atque virum forti parta trophæa manu.  
 Aut ære ex molli,seu ducta ex marmore signa  
 Seu thermas, arcus, templa, theatra, fora.  
 Vedit,& ingemuit cari pia cura parentis,  
 Non lacrymis potuit parcere pastor amans.  
 Non tulit hoc solers vigilis prudentia Sixti;  
 Non tulit hoc pietas,non pietatis amor.  
 Ergos altos,dixit,subigens nunc crux obeliscos,  
 Emicet,& Solis numina prisca fuget.  
 Quin & Trajani ingentem,me vindice,molem  
 Pauperis ascendant ærea signa Petri.

Sic

Sic Piscatori cedat Rex Maximus orbis,  
 Sic Christo veterum cæca supersticio.

## A L I V D .

Vlpius extulerat molem hanc Traianus ad auras:  
 Iusserat hic cineres condier ille suos.  
 Hic statuam figi,victoriaque arma reponi,  
 Quis Dacos domuit,Decebalumque ducem.  
 Fortia dehinc Pario cælari hic marmore facta,  
 Deuictos hosteis,oppida capta iubet.  
 Traiano melior,sed nunc felicior atque  
 Augusto Sixtus, dedicat ista Petro.  
 Effigiemque viri,molem superare superbam  
 Imperat,& sacrum tollere ad astra caput.  
 Sic verus veræ fidei,fideique Magistro,  
 Sixte pater fidei,te duce,fertur honos.




## DE AQVIS FELICIBVS.

Irrigat Exquilias Sixtus montemque Quirini  
 Fontibus, at lacrymis irrigat ille polum.  
 Dum Christum Patri mactat sine sanguine ad aram  
 Dum pueri tractat membra tenella senex.  
 Vnda suis scatebris arentia temperat arua,  
 Ast lacrymis Sixti sistitur ira Dei.  
 Felix Roma nimis Felici hoc principe, sub quo  
 Et coelum, & terras vtraque lympharigat.

### ALIVD.

Currite gemmanti felices gurgite lymphæ,  
 Quo longam expellat feruida terra sitim.  
 Currite, qua duxit sinuoso tramite Sixtus,  
 Quaque dedit summi per iuga montis iter.  
 Currite felices latices per florida rura,  
 Perque vias, hortos, currite perque domos,  
 Currite felices felicis munere Sixti;  
 Felici seateat iamque Quirinus aqua.  
 Currite sub Sexto pleno sic gratia riuo  
 Sic placidis pacis fluctibus vnda fluctet.


De



DE MVLIERE QVAE AB AFRICO  
SINV ROMAM AD SIXTVM V.  
P O N T. M A X.  
CONFVGIT.

Quis locus est laudum ignarus iam, Sixte, tuarum?  
 Ecce tibi à Libyco fœmina vecta mari est.  
 Quæ nunc, ceu pinguis quondam Regina Sabææ,  
 Maiorem prisca te Salomona petit,  
 Te solum ut videat, tuaque ut vestigia seruet,  
 Pauperie gazas, aurea tecta casa  
 Mutauit sapiens, famulosque, ac pignora, matrem,  
 Sponte sua fidei credidit illa tuæ.  
 Accipe primitias, regni præsaga futuri:  
 Africa quas mittit, fœmina quasque refert.





33

IN PII. V. PONT. MAX. OSSA IVSSV  
Sixti. V. Pont. Max. ad facillum Præsepis  
Christi translata , nobilissimo-  
que sepulchro illata.

EPIGRAMMA.

Nascentis præsepe Dei pastoribus olim  
Ostensum primo, regibus inde fuit.  
Pastorem, regemque, Deumque , hominemque fatentur  
Pastores, reges, carmine, muneribus .  
Nunc Pius, en Pastor, Rexque illam fertur ad aram,  
Excubet ut Pastor, munera Rexque ferat,  
Pastoris Regisque insigni hoc sacra sepulchro .  
Pastor Rex Sixtus condidit ossa Pij :  
Seque tuum ante antrum, pastor, rexque optime Christe,  
Pastor Rex Sixtus condier ipse cupit.  
Sic tua pastores Reges cunabula circum  
Adstabunt ambo, hinc Sixtus, & inde Pius.

E. In



35

IN SANCTVM BONAVENTVRAM  
Doctoris Ecclesiæ Titulo à Sixto V.  
Pont. Max. insignitum



Dat BONA nunc VENTVRA Deus tibi maxima cælo.

Dat Sixtus scriptis præmia digna tuis.

Ille beatorum te iungit sedibus, æuo

Dulci vbi perfrueris, lucidaque ast racolis

Hic te Doctoris titulo, qui Sydera luce

Et sole superat concelebrare cupit.

Quod simul & doceas, oblectes, afficiasque :

Et quod dum legeris, vulnere corda petas.

Vulnere quo felix vixisti saucius ipse,

Vulnere quod fixum nunc quoque corde geris.

Hoc felix Sixtus felici vulnere tactus

Saucia iamdudum pectora & ipse tulit.

Hoc se percussum, te percutiente, fatetur,

Dum tecum loquitur, dum tua scripta legit.


Hoc demum cari dum vult feriantur alumni;

Scripta tua vt discant peroluenda dedit.

E 2


O te

O te felicem, terraque, poloque beatum  
Certatim quem ornant terra polusque simul.  
Christi dulcis amor dulci tua pectora telo  
Transfixit, torques tu quoque tela docens;  
Nunc igitur Christi vultu dignate sereno,  
Æternum, & felix iam super astra sedens  
Pastorem SIXTVM, qui que illi creditus est gress;  
Quod facis, & precibus, præsidioque foue,



## IN DOMVM MENDICANTVM VSVI

Sixti. V. Pontif. Max. pietate, ac  
liberalitate constructam



Pauperies dejecta solo, miserabile visu,  
Dum iacet, & questu compita cuncta replet;  
Hospitioque, ciboque carens, ac vestibus, alto  
Cum gemitu stipes, auxiliumque petit.  
Improbis & templis clamor pia vota frequenter  
Impedit orantum, quem ciet atra fames.  
Nec possunt sœuas locupletum flectere mentes  
Quas mittit lacrymans indigat turba preces.  
Paupertatis amans, & paupertatis alumnus  
Festinat miseriis sed dare Sixtus opem.  
Namque illi teneris insunt præcordia fibris  
Angitur esurie, pauperieque gregis.  
Ergo amplas hilaris flavi prope Tybridis vndam  
Quæ capiant inopes, instruit ille domos.  
Tum rigido refouet torpentina frigore membra  
Vestibus, hospitio, flammigerisque focis.

Viscera



Viscera deinde cibo reficit, potumque ministrat.

Sedulus, atque ægris pharmaca corporibus.

Nec minus inde animis diuini pabula verbi

Exhibit, & scatebris irrigat ora sacris.

Ac veluti Solymis, coetu crescente piorum,

Nomina qui Christo prima dedere Deo?

Dum sanctus cœlo delapsus Spiritus alto

Edocuit sacri pectora fida chori.

Vna fides cunctis, & cor credentibus vnum

Exitit, & cunctis tunc anima vna fuit.

Cuncta ministrabant cunctis, communia cunctis

Perque domos cunctas cuncta fuere diu.

Tunc viduata viro mulier, puerique parente

Orbati, & tristes, inualideque senes,

Et quos dira fames, & quos sitis aspera pressit

Optatam haud segnes experiuntur opem.

Et tanto in populo, loca quem diuersa tenebant;

Pauperie nullas, qui premeretur, erat.

Haud secus hæc Romæ fieri sperate Quirites

Nam molli SIXTVS viscera corde gerit.

Hac.

Haec tenus, vt duros arceret finibus hostes,

Vt frugum populis copia larga foret.

Congessit prudens argenti pondus, & auri;

Ne incautos ciues gens inimica premat.

Sed Scytha nunc acer, Tyrius, sœusque Britannus,

Et Germanus atrox, Barbaricusque furor.

Exitium vnanimes Vrbi qui saepe minati,

Et stragem populis, militibusque necem.

Fortia dum metuunt atque imperterrita SIXTI.

Pectora, vix audent limine ferre pedem.

Aurea sub SIXTO nam pax, & copia fines

Cum teneat nostros, iam tremit hostis atrox.

Et trepidus patrijs vix fidens finibus arma

Condit, quæque tenet, non bene tuta tenet.

Aruaque iam lætis exundant pinguia culmis,

Horrea triticea messe referta tument.

Quod superest, priscis decorabit honoribus Vrbem,

Et dignis statuet præmia digna viris.

Iam viduata viro mulier, puerique parente

Orbati, & tristes, inualidique senes.

Virgineique chori muris quos contiuet arctis

Vnius intactæ virginitatis amor.

Et quos dira fames, & quos sitis aspera pressit,

Optatam haud segnes experiuntur opem.

Nec gente in magna, multas quæ sparsa per vrbeis,

Pauperiem quisquam, qui patiatur, erit.

Ergo alacres omnes nunc te, pater optime Sixte,

Laudibus extollunt, plausibus excipiunt.


Pastoremque, patremque suum, iuuenesque, senesque

Conclamat, nec non diues inopsque simul.

Viue diu felix, patriæ pater optime, viue,

Per quem pulsa fames, tutaque parta quies.

IN OBELISCVM LATERANENSEM,  
nouamque domum, & Scalam Christi san-  
guine conspersam, iussu Sixti V.  
P. M. instauratam.





Qui Laterana frequens inuisis templa viator,  
 Etteris hæc flexo limina sancta genu.  
 Mirarisque obeli ferientia culmina cœlum,  
 Confractum audieras quem iacuisse prius.  
 Quique Parætonijs Tymbræi numen in oris  
 Prætulit, hunc Romæ signare ferre Crucis.  
 Excelsaque domos nitido consurgere saxonio,  
 Atque Peristylio, porticibusque nouis.  
 Insuper, & roseo conspersos sanguine Christi,  
 Sedula conscendit, quos pia turba, gradus.  
 Augustam in speciem mutatos ducere ad almam  
 Aram Laurentis commodiore via.  
 Conspicis, attentisque oculis nunc omnia lustras,  
 Siue stipes spatio tanta peracta breui.  
 Ne stupeas, magnus Regum nam præuenit omnes  
 Spes, animos, Sixtus, atque opera, atque manus.

Ne



Pone metum, Tyrrhene pater, tua littora SIXTVS  
Tuta facit, iam tu perfide Turca fuge.  
Iam satis atque super, nostro de littore captas  
Heu, prædas tecum, sœue Tyranne trahis.  
Nostra tuos classis fines penetrabit ad imos  
Hellespontiacæ iam timet ora plagæ.  
Infelix redde Imperium, da non tua regna  
Subijce iamque humili sceptra superba Crucis  
Da Solymos, vel tu sacrum venerare Sepulchrum;  
Christigenis pateant iam loca sancta pijs.  
Dux belli flauo Tyberini gurgite puppis  
Soluitur, hanc sancti numinis aura mouet.  
Soluitur atque sali gaudens per cœrula fertur  
Vt libycos subigat, Niliacosque sinus.  
Solitura auspicijs IESV, te Principe, IESV,  
Confidit SIXTVS prospера cuncta fore.



## DE VIIS AMPLISSIMIS QVAS.

Sixtus V.P.M. ab Exquilino Monte in  
Syderis formam, ad loca diuersa  
aperuit & strauit.



Syderis impositum Monti iubar emicat Vrbi;

Lucidior fulget sydere virgo parens.

Quæ solem genuit, gremioque, atque ubere fouit,  
Exesique antri condidit hospitio.

Montis in Exquilijs spelunca hæc vertice, sed nunc,  
Ut centrum residet, dirigit atque vias.

Hacque illacpue illas aperit, qua visere magna  
Templa Dei summi fœmina, virque potest.


Syderis in speciem, illinc qua Laurentius æde  
Conditur, inde Crucis maxima templo videt.

Hinc Lateranensis renouata Palatia phani  
Inde Quirinalem conspicit, hinc Cochlidem.

A te principium, Virgo, tibi desinit omnis  
Spes hominum, quibus est terminus, atque via.

Virgo decus cæli, fortunatissima Virgo,  
Virgo Dei summi, filia, sponsa, parens.

G Virgo



Virgo curarum Sixti prædulce leuamen;

Quæque illum refoues, dirigiſ, atque doces.

Te duce, mortales radiantia ſydera cæli

Et ſolem Christum cernere poſſe putant.

Te monſtrante viam, præclarus cum greg'e Paſtor

Aſtrigeri ſcandet lumina clara poli.

Stella parens Solis, radijsque, atque igne coruſca,

Stella parens hominum, terminus, atque via.

IN COLVMNAM COCHLIDEM  
Antoninamænea B. Pauli effigie  
insignitam.


D I S T I C O N.

Immeritum Pauli fundis tu Roma cruem;  
Imperium extinctus possidet ille tuum.

IN EANDEM CARMEN.

Marcomanos Marcus deuicerat Antoninus  
Immanes Rhetos, armigerosque Quados.  
Vtque æterna foret præclari hæc gloria facti,  
Edocet historiam magna columna Cochlis.  
Qua captas vrbes, ductosque ex hoste triumphos  
Cælauit niueo in marmore docta manus.  
Corde pium, fortemque armis, atque ore disertum  
Te dixerunt olim plebsque, patresque tui,  
Sed pietate simul, doctrina maior, & armis  
Est Paulus, calcat qui tua regna pede.  
Ille humilis, pauper, vincitus, rerum omnium egenus,  
Truncatusque caput, fit tibi, Roma caput.

H Miran-



Mirandum, à victo victor deuincitur orbis

Cæsar, & ad victi sternitur ille pedes.

Marcomanum victor deuincitur Antoninus,

Et cedunt Paulo Rhetus, & ipse Quadus.

Christe Deus tua sunt hæc summæ insignia laudis

Hæc Crucis est virtus, gloria, visque sacrae.

Hosce Petro, Pauloque refert nunc Sixtus honores

Isque illis Cochlidem subdit, & Imperium.

Vos igitur Sextum vasti duo lumina mundi

Tu Petre consilio, tu prece Paule foue.


IN OBELISCVM A D A G R V M  
Sessorianum ante ædem S. Crucis in Hieru-  
salem pro pediem erigendum.



C A R M E N.

Salve magna domus, salve ò pinguissima tellus,  
Salve, quæ gremio fers bona tanta tuo.  
Tu Crucis inuictæ ligno, signoque coruscas,  
Tu Solymos præfers nomine, reque sacros.  
Tu claos retines, Christi qui dulcia membra  
Confixere truces, cum manibusque pedes.  
Te deuota petit populi pia turba frequenter  
Te petit, & Pastor, pupureique Patres.  
Nunc obelo Sixtus Phœbo quem barbara quondam  
Sacrarat demens, stultaque relligio.  
Exornat portasque tuas, aramque, viamque,  
Signaque pro foribus, stant Crucis, ante Crucis  
Crux dulcis veneranda polo, mundoque salubris,  
Crux Christi roseo tota cruore madens.  
Lucida Crux caræ portans primordia lucis

Densæ



Densæ quam tenebræ, noxque profunda fugit.

Aurea Crux fuluo longe pretiosior auro

Aurea Crux aurum, diuitiasque ferens.

Gemmea Crux nitidis præcingens cornua gemmis,

Candidus hoc Adamas, illud Iaspis habet.

Roscida Crux ramos vnda madefacta perenni

Perfundens guttis arida corda tuis.

Florida Crux blandis frontem redimita corollis

Quas texunt violæ, lilia cana, rosæ.

Lucida, & aurea, gemmea, roscida, florida Crux ò

Luce, auro, gemmis, rore que, flore iuua.

Luce viam monstra, dites auro effice, gemmis

Orna, rore riga, flore que ferta dato.

Tu refoue Sextum Crux ò spes maxima Sixti

Sedulus exaltat qui tua signa, precor.

Te sibi præsidium Sixtus, columenque, decusque

\* Te sibi solamen deligit atque ducem.

Excelsas vult ille tibi parere columnas

Ille tibi atque obelos dedicat, & cochlides.

Ille tibi nigros Indos Thracemque Tyrannum

Ille

Ille tibi Afrorum subdere regna parat.

Te fronti insculptam, fixam te pectore gestat,

Tu Sextum serua, tu populum atque Patres.

*Laus Deo Optimo Maximo.*

EIVSDEM ARGVMENTI IN SIGNIVM  
ALIQVOT VIRORVM  


C A R M I N A.

ILLVSTRISS. D. THOMAE AVALI  
MARCHIONIS PISCARIE FILII.

Facta alij ingentis posuerunt singula S I X T I,  
Vno Bordinus Carmine cuncta canit.

R. D. S Y L V I I A N T O N I A N I  
AD IOANNEM FRANCISCVM  
B O R D I N V M.

Regificas ædes, Obeliscos, Templæ, Columnas,  
Et quas aerio fornice duxit aquas  
Magnanimus Sextus, Libro dum claudis in vno,  
Et dulci varium carmine texis opus.  
Bordine, exigua vastos quis claudere in vrna  
Oceani fluctus te quoque posse neget?

I IOSE-

60 IOSEPHI CASTALIONIS  
SIXTE Paterni custos, atque arbiter orbis.

Quæ poterit vox tanta tuas percurrere laudes?  
Nam tuus immanes grassantum sustulit ausus  
Nutus, & Italæ felicia sœcla reduxit.  
Per te Romanæ maiestas redditæ sedi  
Suspicitur toto iam formidabilis orbe.  
Religio nunc culta suos agnoscit honores.  
Per te dira famæ cœcta, reducta que per te  
Copia, parta quies, iniecta que frenæ furori.  
Culpa luit poenæ, virtuti præmia habentur.  
Casta pudicitiam seruant te vindice tecta.  
Vrbem restituens vndis felicibus auges.  
Atque nouis decoras templis, & molibus ornas.  
Litora quinetiam Hesperiæ, pelagusque tueri  
Classe paras valida, raptasque reposcere prædas.  
Argumenta nouo serit hæc, & pluralibello  
Bordinus paucis ausus concludere chartis,  
Quæ tu cumque tribus patrafti prouidus annis,  
Carmine Bordinus qui se super æthera tollit,  
Mortales inter quantum pietate coruscat.

I O.

I O. C A R G A E.

61

Optima sunt tua facta bonis, & maxima magnis,  
Optime magnanimis, maxime Sixte bonis.  
Et si vox calamusque tuas vult promere laudes  
Deficit ad laudes vox, calamusque tuas.  
Iure igitur tota penitus quod mente fatemur  
In tertis summo proximus ipse Deo es.

I 2 SIGIS-

62 SIGISMUNDI FLORIANI  
SIXTI V. PONTIFICATVS  
M A X I M V S.

Aurea, quæ mundo fuerant accepta recenti,  
Sponte sua fruges quando ferebat humus;  
Secula nunc redeunt, terrasque Alträa reuicit  
Ius æquumque ferens, & sine labe fidem:  
Ex alto FELIX summus cum monte sacerdos,  
SIXT VS mutato nomine QVINTVS adeſt,  
Qui sanctos ritus, qui leges iuraque ſiſtit,  
Et quidquid primi constituere Patres.  
Iam ſine follicito loculos de nocte viator  
Deque die plenos fertque refertque metu.  
Est, qui non fuerat, nunc hospes ab hospite tutus,  
Nunc credit, & priſcae religionis honos.  
Hesperiam qua parte ſecat pater Apenninus,  
Quà Padus, & flavi Tybridis vnda rigat,  
Ionio, & qua parte ſonat vagus Adria fluctu,  
Et quà Tyrreno cingitur ora mari.  
Extremum Siculis, & quà latus æſtuat vndis,  
Quaque caput pinu Rhætia prima regit:

In

63

A SIXTO V. P. M.  
In sancta certam ponit pietate salutem  
Tota vacans falſis vatibus hæc regio;  
Omneis & populos Christi ſub legibus vnuſ  
Hic vnum veluti paſtor ouile regit;  
Hærefiſis hic mentes peruerit nulla, nec vllum  
Turbida ſeditio vulgus ad arma vocat.  
Quæ labes Gallis, gelidisque illata Britannis,  
Nec non Germanis, Sauromatisque fuit;  
Hanc etiam SIXT VS conatur tollere, concors  
Europæ ut toti pax ſit, & vna fides.  
Quod fore, venturi quibus eſt mens præſcia, dicunt,  
Hoc quām, non alio tempore commodius.

A. S. F.

AV-

AVCTOR AD SIXTVM V.P.M.

Dum repeto tanti quæ conscripsere poetæ.

Doctiloquo de te carmine, Sixti Pater.

Inuenio dictisque tuis, factisque minora,

Et linguam, & calamū, carminaque ipsa simul.

Quod potui feci, tu nunc doctissime Princeps,

Accipe vel fidei pignora certa meæ?


R O M A E.

---

Apud Franciscum Zanettum. M. D. LXXXVIII.

---

P E R M I S S V S V P E R I O R V M.



GVILIELMVS BLANCVS IVNIOR,  
SIXTI V. CVBICVLARIVS INTIMVS

DE STATVA ÆNEA SANCTI PETRI  
supra Columnam Cochlidem Traiani,

AB EODEM S. D. N. PONT. MAX.  
COLLOCATA.



**S**INTER Traianum, et PETRVM de Cochlide nuper  
Iudice sub SIXTO lis grauis orta fuit.  
Hanc sibi præscriptam dixit Traianus: ab illo  
Præscriptam iniuste dixit et inde PETRVS.

Ille sibi Dacos bello docet esse subactos:  
Hic domitas gentes, et sine Marte, docet,  
Ille sua ostendit saxis incisa trophya:  
Hic docet esse suum, quo sita saxa, solum,  
Se docet ille sua regem bonitate colendum:  
Sed Princeps PETRO quis bonitate prior?  
Discussa caussa, iudex iustissimus infit,  
Cochlis Traiani sat fuit, esto PETRI.  
Atque ut queratur domino possessio vera,  
Hanc PETRVS imposito comprimat usque pede.

